



Inconnu à' LeLong

22<sup>e</sup>  
A D V I S

A

L'ASSEMBLEE

DE

MESSIEVRS

LES NOTABLES.

*Sur l'ouverture des Etats.*

A PARIS,

M. DC. XXVII.

282

A D V I S

Case

F  
39

1627a

1627a

THE NEW YORK  
LIBRARY

1627a

1627a

1627a

1627a



ADVIS A MESSIEURS  
de l'Assemblée des Notables.

MESSIEURS,  
La grâde allegresse & resiouïssan-  
ce que toute la Frâce a receu au premier  
bruit de vostre Assemblée, faict esperer  
que les effects luy serôt tres-salutaires.  
Le Roy en fin a eicouté les pleurs & ge-  
mïssemens de son peuple, & touché de  
l'Esprit de Dieu se resout de le soula-  
ger. Voicy les propres termes de vostre  
conuocation. Nous protestons deuant  
Dieu viuât que nous n'auôs autre but &  
intétion que son honneur, & le bien &  
soulagement de nos subjects; Aussi au  
nom de luy-mesme nous coniuurons &  
obtestons ceux que nous conuoquôs, &  
neant moins par la legitime puissance  
qu'il nous a donnée sur eux nous leur  
commandons & tres-expressément en-  
joignons que sans autre respect ny con-  
sideration quelconque, crainte ou desir



de desplaire ou cōplaire à personne ils nous donnent en toute franchise & sincerité les cōseils qu'ils iugerōt en leurs consciences les plus salutaires & conuenables au bien de la chose publique. Apres cela quelle excuse auez vous si vous ne faictes bien? Vous auez vn tres grand aduantage sur tous ceux qui ont iamais eu l'hōneur d'vn pareil employ. Vous auez affaire à vn Prince absolument porté à suiure vos aduis, Parmy les graces que le Ciel a versé avec affluence sur son esprit, celle-cy paroist eminēment, il croit son Cōseil & ne se resoult qu'avec lui. Le le dis hors de tout soupçō de flatterie, il est plein de pieté, juste, courageux, ferme & cōstāt en ses resolutions. Voila pourquoy & vous & ceux qui s'approchent de plus de sa personne serez tous coupables deuant Dieu & deuant les hommes si son regne n'est pas le plus florissāt qui ait esté depuis la naissance de cette Monarchie: agissez dōc courageusemēt & en gens de bien. Sur tout formenez vous que vous

5

n'estes pas assemblez pour trouuer de  
nouveaux expediés à espreindre & tirer  
la derniere goutte de la substance du  
peuple, mais bien pour le soulager des  
maux qu'il y a si long tēps qu'il endure.

Cinq choses l'oppriment grandemēt,  
les Tailles, les logemēs de gēs de guerre,  
le sel, les Aydes, & la māgerie des Offi-  
ciers. La premiere est celle à laquelle le  
Roy peut & doit pourvoir prōptemēt,  
en le deschargeant d'une partie, & re-  
mettant l'autre sur vn expedient que ie  
vous proposeray plausible & vtile. On  
vous dira peut-estre comme on fist aux  
derniers Estats generaux, que le Roy  
veut auoir son cōpte, & que le fōds dōt  
il jouit presentemēt ne peut pas suffire  
aux despences ordinaires: bien loin de  
diminuer. Mais ne vous arrestez pas en  
si beau chemin: le sçay bien que l'Espar-  
gne est espuisée, que l'année six cents  
vingt sept est consummée, deux choses  
en sont cause. Les despences excessiues  
& inutiles, & la vollerie de ceux qui  
manient la bourse. Remediez y, & puis

vous pourſuiuez au reſte ſans contra-  
 diction. Commencez par le retranche-  
 ment de la deſpée, & à cette proportiō  
 vous diminuerez la recepte, examinez  
 l'Eſtat. Le premier chapitre c'eſt la Mai-  
 ſon du Roy: vous trouuerez qu'elle mō-  
 te dix fois plus que du tēps de ces grāds  
 Princes. Charles VII. Louys XI. Char-  
 les VIII. Louys XII. François I. ils n'en  
 eſtoient pas moins bien ſeruis, leur me-  
 moire n'en eſt pas moins glorieuſe, &  
 les François en eſtoient beaucoup plus  
 ſoulagez. Auſſi quand il falloit faire vn  
 effort il eſtoit aisé d'en trouuer le fōds  
 dās la bourse des ſubiects riches & affe-  
 ctionnez, teſmoin la priſon du Roy Iean:  
 au lieu qu'à cette heure s'il faut rache-  
 ter quoy que ce ſoit de cent mille eſcus  
 d'extraordinaire, ſi ceux meſmes qui les  
 ont engloutis ne les renomiſſēt, il n'eſt  
 pas poſſible de les trouuer: Teſmoin la  
 Chambre de Juſtice. Le Turc, de qui les  
 Loix Politiques ſont auſſi excellentes  
 cōme la Religiō eſt brutalle, tiēt cette  
 maxime de ne prēdre les deniers leuez



sur le peuple q̄ pour la deffence & cōser-  
 uation d'iceluy, appellant cela *le prohibé*  
*du peuple*. Lors qu'il faut prendre les ar-  
 mes & aller a la guerre il s'aide des im-  
 positiōs & subsides, mais en tēps de paix  
 il vit du seul profit de ses iardins. Repre-  
 sētez dōc au Roy que s'il veut faire quel-  
 que reformatiō dās son Estat, il faut qu'il  
 dōne l'exemple le premier, & qu'il com-  
 mēce par sa maisō. Le secōd chapitre sur  
 lequel vous deuez ietter les yeux est ce-  
 luy des pēsiōs: vo<sup>9</sup> croirez peut estre que  
 ce que ie vous diray soit vn paradoxe, &  
 neātmoins c'est vne verité tre<sup>9</sup> certai-  
 ne: Les pensions ont ruiné la Noblesse,  
 tel qui viuoit commodément & douce-  
 ment en sa maison, & qui mesmes aux  
 occasions pouuoit assembler ses amis,  
 mange le reuenu de tout son bien en  
 trois mois pour venir demander sa pen-  
 sion. Vn valet ou deux luy suffisoient,  
 son vilage ne voyoit ne clinquant ne  
 broderie. A la Cour, il a vn Escuyer, des  
 Gentils-hommes, des Pages, quātité de  
 plumes, quātité de passēmēs d'or. Voila

où s'employe son bien, & ce qui luy re-  
 uient d'une pension mal payée, biē leuée  
 sur le peuple, & mieux comptée sur le  
 Roi. Et pour preuue de ce que ie dis qu'ô  
 recherche curieusement s'il y a vn seul  
 Gentilhomme qui ne se soit ruiné ou  
 incommodé à ce mestier là: sur vn escu  
 de fonds extraordinaire ils desseignent  
 dix escus de despence, & c'est ce qui a  
 mené le luxe à si haut poinct où il est  
 maintenant; Comette malheureuse qui  
 presage infailliblement la ruine des  
 Estats qu'elle menace. Il y a encor vn  
 autre inconueniēt que ce mal produit:  
 C'est que comme il n'est pas possible de  
 donner des pensions à tous les Gentils-  
 hommes, non pas à la centiesme partie:  
 ceux qui n'en ont point ne croient pas  
 deuoir seruir le Roy sans estre payez.  
 Adiouſtons y encores cette raison: Les  
 François s'obligent aisément & de peu  
 de chose: mais aussi ils ne conseruēt pas  
 long temps la memoire des biens faicts  
 quels qu'ils soient. Cela vient de leur  
 naturel prompt & leger: i aussi voit-on  
 qu'en

qu'en leurs querelles particulieres ils  
s'accordēt volōtiers sans couuer aucu-  
ne sorte de vēgeance sur le cœur. Mais  
aussito<sup>o</sup> prests à se couper la gorge avec  
le meilleur amy qu'ils ayent. Conseillez  
donc au Roy que s'il se veut faire adorer  
parmy eux qu'il leur dōne peu & souuēt,  
rien de certain ou d'estably, parce que  
dès l'heure mesme chacun en faiēt estat  
cōme de son propre Domaine, & croit  
que cela luy est deu. HENRY LE GRAND a  
estē le premier qui a dressé vn Estat des  
pēnsions: la necessité l'y obligea, car apres  
les guerres ciuilles se trouuant grande-  
ment incōmodé, & neāt moins chargé  
d'vne infinité de Noblesse qui auoit em-  
ployé tout son biē pour luy aider à cō-  
querir ce Royaume, ne sçachāt dequoy  
les récompēser, creut qu'il leur deuoit  
pour le moins donner moyen de viure  
& de s'acquitter insensiblement. Cette  
cause cesse maintenant, peu de ceux  
qui sont dans l'Estat ont veu ce tēps-là,  
puis donc que les pensions ne profitent  
à personne, quel danger de les oster?

Apres cela iettez lesyeux sur la guerre  
 & cōseillez au Roy de ne tenir plus sur  
 pied que son Regiment des Gardes, ses  
 Suisses, & la Cōpagnie de Gensdarmes  
 au mesme estat que le tout estoit durāt  
 le feu Roy: Aussi biē le reste n'est qu'un  
 ombre & un moyen pour voller ses fi-  
 nances: Le papier souffre tout. Et afin  
 que nous ne puissions jamais estre sur-  
 prins & que nos forces soient redouta-  
 bles par tout le mōde: Proposez de faire  
 vne milice generale dans ce Royaume,  
 & que chaque Prouince en cas de ne-  
 cessité soit tenuē d'entretenir & armer  
 à ses despens un Regimēt & vne Com-  
 pagnie de Cauallerie, sous la conduite  
 de ceux qu'il plaira au Roy de nommer,  
 & que ces Troupes se mettent en ba-  
 taille deux ou trois fois l'an chacune en  
 son endroit, & apprenent les exercices  
 en ceste façō, le Roy sera tousiours assu-  
 ré de trois ou quatre mil cheuaux, & de  
 vingt cinq ou trēte mil hōmes de pied:  
 Le peuple ne sera iamais foullé, parce  
 que premierement, Il sera deschargé de



ce qui se leue pour les gens de guerre,  
 qui n'est pas peu. Cette despence n'arri-  
 uera peut estre qu'une fois en dix ans, la  
 leuée n'en coustera rien. Ils payeront  
 reglemēt aux logemēs qu'ils ferōt, parce  
 qu'ils ferōt leurs monstres en la mesme  
 façō: Bref ils viurōt en France cōme ils  
 viuēt par tout ailleurs, c'est à dire, avec  
 ordre & discretion. Il ne faudra plus de  
 Commissaires ny Contreroolleurs, ny  
 Payeurs, ny Tresoriers de l'ordinaire ou  
 de l'extraordinaire. Chaque Prouince  
 fera son cas à part, & payera sēs gēs sans  
 que personne s'en mesle. Outre que l'ar-  
 mée sera cōposée de soldats biē choisis,  
 bien armez, & qui auront appris leur  
 mestier, au lieu que maintenant en nos  
 troupes on ne voit que gens ramassez  
 & sans discipline. Les plus belliqueuses  
 nations du monde en font ainsi, & s'en  
 trouuent bien. Si vous le faictes vous  
 guerirez la secōde des playes du peuple  
 qui ne peut receuoir remede quelcōque  
 que celuy-la : parce que tandis que les  
 Officiers du Roy ferōt faire les mōstres,



l'argēt ne viēdra iamais à poinct nōmé, & le soldat n'estât point payé aura droit de viure à discretiō, & sera mesmes necessité à cela. Quāt aux places où vo<sup>r</sup> iugerez à propos qu'il y ait garnison, faictes en sorte qu'ō la modere le pl<sup>o</sup> qu'ō pourra, & qu'en fin ce ne soit qu'une cōpagnie où il n'y ait qu'un chef, point de mēbres, ces ordres sont bons dans les armées, & inutiles dans les places durant la paix.

Ce n'est pas sans raison que ie dis que vous apportiez vostre iugement pour faire difference des places qui meritent garnison, parce qu'il y a une infinité de chasteaux dās le cœur du Royaume qu'ō deuroit auoir rasez & demollis il y a lōg tēps. Tout le reuenu du domaine s'employe à les reparer ou à l'entretenemēt des Capitaines qui sont dedans, ou des morte payes, & ce ne sont que des nids avolleurs, aux moindres mouuemens. Le Roy a commencé par Pierre-Font, faictes qu'il continuē.

Les Suisses sont cōtenus dans le chapitre auquel sont employées les pensiōs

est rāgeres. Pourquoy faut-il que la Frā-  
 ce se rende tributaire de ces Bourg-  
 maistres inutiles, qui par capitulation  
 expresse ne vōt iamais aux trāchées, aux  
 assauts, aux escarmouches? Le Comte  
 Maurice qui meritoit le nom d'un grad  
 Capitaine les mesprisoit. Le Roy d'Es-  
 pagne mesme, quoy qu'affamé d'hōmes  
 ne s'en est iamais voulu seruir. Perdons  
 cette vanité de croire que no' l'en auōs  
 empesché par nos brigues: ayant plus  
 d'argēt que nous, s'il eust eu cette passiō  
 il y a long temps qu'il en fust venu à  
 bout; Il se cōtente de les auoir assuiettis  
 à garder le Millānois & la Frāche-côté,  
 & nous met en ialousie pour espuiser  
 nostre bourse. Que si on vous dit que  
 c'est pour conseruer le passage d'Italie,  
 ne le croyez pas: vne armée ne sçauroit  
 passer par leurs destroits en deux ans.  
 L'argent qui a esté porté en Suisse de-  
 puis la paix, & cōsumé inutilement suf-  
 firoit pour conquerir toute l'Europe.

On dit que le Duc de Lerme s'est seruy  
 de ce moyen pour faire résoudre le Roy

14  
d'Espagne à la paix avec les Pays bas, luy faisant voir ce que cette guerre luy coustoit, seruez vo' en aussi: No' n'auôs que trop d'hômes en Frâce inuincibles au côbat & à la fatigue, pourueu qu'ils soient disciplinez & traüaillez à cela.

Sous le mesme chapitre sont compris les Regimens entretenus en Hollande. Pourquoy faisons nous cette despenſe durât la paix? dequoy nous peuuent-ils seruir? si c'est a nos guerres ciuiles, pourueu que ceux de la Religion pretendüe ne soient pas de la partie, elles ne serôt pas de longue durée: & s'ils y sont engagez: n'esperez pas que ceux qui par creance & par raison d'Estat sont obligez a les côseruer vous aident à les ruiner: Si contre les estrangers ils sont si foibles, qu'a peine se peuuent-ils conseruer: Le naturel inaccessible de leurs Isles fait qu'ils resistent au Roy d'Espagne: mais d'attêdre d'eux qu'ils puissent enuoyer vne armée de secours hors de leurs terres, ce seroit follie, nommément a ceux qui sçauent qu'ils ont plus

à se garder de leurs peuplesmesmes que des ennemis, afin qu'ils ne secouēt cette liberté imaginaire, plus fascheuse à supporter que la plus rude dominatiō d'un Prince legitime. Il suffira donc que le Roy les protege & les secoure lors qu'il en sera besoin. Voila en gros la dépense qu'on peut retrancher: Adioustez-y le bō mesnage & empeschez qu'il ne soit pas desrobé comme il est par tous ceux qui manient son argent, & la France ne vous aura pas peu d'obligation. Je sçay bien que ce n'est pas vn petit ouurage: Mais y doit il auoir quelque chose d'impossible à cette Assemblée, où tous les plus grands esprits de cette Monarchie sont conuoquez? Voulez vous que ie vous ouure vn expedient? Ne le condânez pas pour estre vn peu rude: Tour grand exemple aie ne sçay quoy d'iniuste, qui se recompense par l'vtilité que le public en reçoit: & les vlcères inueterrez ne le peuuent guerir que par des remedes violens. Donnez aduis au Roy qu'il supprime tous les Officiers de Fi-



nance, à condition notamment de leur payer la rente de ce qu'ils monstrent auoir actuellemēt porté dās les coffres reserué vn Tresorier de Frāce és Generalitez où il y en auoit il y a trente ou quarāte ans, & vn Tresorier de l'Espargne. l'aduouē que ce seroit rigueur très grande d'en vser ainsi à vn autre subiet: mais à eux persōne ne les plaindra, ains chacun dira que c'est iustice de presser ces sponges qui auoient espuisé toute la substance de l'Estat. Et de fait la Noblesse est au biffac, le peuple est à la fin, rien ne paroist que les financiers, & si dans la robe longue quelqu'un est plus accommodé que de l'ordinaire, indubitablement il a recueilly de leurs successiōs. Les peuples d'eux-mesmes porteront à l'Espargne sans frais & sans diminution ce qu'on leur demādera: Cōme on a veu le Languedoc, la Guyenne & la Bretagne le faire souuent, & ces deniers pour n'estre pas exigez par des loups impitoyables ne marqueront pas moins la puissance du Roy, & tesmoi-  
gneront



gneront beaucoup la bonne volonté & l'amour des subiets. Toutes ces dépenses inutiles estant retrâchées il sera aisé de diminuer vne partie des tailles, encores trouuerez vo<sup>us</sup> que le Roy en aura beaucoup plus de quitte qu'il n'a: Le surplus il le faut reietter sur ce qui entre ou sort du Royaume; afin que les estrâgers seuls supportēt la dépēse; & voila l'expediēt que ie vous auois promis: Ie vous veux faire voir par demōstratiō que ce que ie vous dis est infailible: Premièrement, Nous demeurons tous d'accord que la Frâce a ce bon-heur qu'elle se peut aisément passer de ses voisins: ses voisins ne se sçauroiēt passer d'elle. L'Espagne n'a point de bled, celuy qui peut venir du Danzic ne vaut riē, outre qu'il est presque tout pourry lors qu'il arriue en ses ports à cause de la longueur du chemin! Tout le Septentrion n'a point de vin, Nos sels, nos pastels, nos toilles, nos cordes, nos cidres, vōt par tout le monde, & ne se cueillent en abondance que parmy nous. On peut hardimēt hausser

sans rien craindre le peage à tel point  
 qu'il plaira au Roy, la nécessité le soblige-  
 ra de passer par nos mains: En voulez vo-  
 vnexemple qui n'a point de cōtre dit. Il y  
 a trente années ou enuiron que le tōneau  
 de vin valloit soixāte & quatre vingts es-  
 cus à Bourdeaux: les Anglois, les Escos-  
 fois, les Hollandois l'enleuoient tout à ce  
 prix là: Maintenant il ne vaut plus que  
 quinze ou seize escus: Quelle raison y a il  
 de leur souffrir ce gaing a nostre dōmage?  
 Ouy, mais aussi de leur costé ils nous ren-  
 cheriront les marchādises qu'ils nous de-  
 bitent; Examinez-en s'il vous plaist la  
 qualité, & puis vous iugerez l'importāce  
 que ce nous peut estre. Il ne nous vient  
 point d'argent d'Angleterre pour tour.  
 Ceux qui se sont trouuez à Bourdeaux és  
 réps des foires en peuuent redre tesmoi-  
 gnage. Ils portent des draps, des sarges,  
 quelque peu de plomb & d'estain, & avec  
 cela ils enleuēt nos dērées: Les Hollādois  
 nous fournissent en partie de sucres, de  
 drogues & espiceries: Les loyes nous viē-  
 nent du Leuant: l'Allemagne nous four-

nit de cheuaux, l'Italie de manufactures. Toutes ces choses sont si peu necessaires qu'il seroit à propos que l'entrèe en fust absolument defenduë. Pourquoy faut-il que Milan, Lucques, Genes & Florèce nous vèdient si cher leurs draps de soye & toilles d'or & d'argent qui ne vont qu'au luxe, & par cōsequēt à la ruine de l'Estat. La seule ville de Paris en consomme plus q̄ toute l'Espagne entiere. Le Roy Héry II. fut le premier qui portavn bas de soye aux nopces de sa sœur: maintenāt il n'y a poīt de petit valler qui ne se sentist deshonoré d'en porter vn de farge: & voila où s'en va tout l'argent mōnoyé de France: Marseille ne fait point plus grand commerce que celuy-là: Quel dāger y a-il dōc qu'ils nous encherissēt leurs marchādises? Nous apprendrons peut-estre par ce moyen à nous vestir de nos laines, & à nous seruir de nos draps. Qu'on deffende ce nombre infiny de Carrosses qui estonne les murailles de toutes les villes de France, & nōmément de Paris, & puis vous n'aurez plus que faire de cheuaux d'Allemagne,

qui ne seruēt qu'à cela: & afin qu'absolu-  
mēt on se puisse passer d'eux: Qu'il plaise  
au Roy d'ordonner qn'en tous les Prieurez,  
& toutes les Abbayes de France, il y ait  
vn haras plus grand ou plus petit suiuant  
la commodité des lieux, & le departemēt  
qui à ces fins sera faiēt par les Lieutenans  
generaux des Prouinces; iusques icy on a  
eu si peu de soin du public que le Frāçois  
n'a iamais appris de se seruir des aduāta-  
ges que Dieu luy a dōnez par dessus tou-  
tes les nations du monde. Il faut si peu de  
suecre, d'espiceries, & de drogues pour la  
necessité que la cherté ne nous sçauroit  
incommoder; joīnt que cela obligera  
nos marchands à entreprendre le voyage  
des Indes aussi bien que nos voisins.

Messieurs, prenez occasiō sur ce suiet de  
represēter au Roy qu'il est obligé pour la  
grādeur & reputatiō de son Estat de resta-  
blir le cōmerce. A cela il y a deux choses  
à faire: Premieremēt, à purger cette ver-  
mine d'Officiers qui vollēt tout le mōde:  
Ils ont esté créez pour la seureté du com-  
merce, & neātmoins ils ne seruēt verita-



blemēt qu'à piller les marchāds & à des-  
 crier nos ports: Deux Commissaires en-  
 uoyez sur les lieux, avec pouuoir de faire  
 & parfaire le procez à ces gēs là suffrōt  
 pour y remedier. Outre il faut instituer vn  
 ordre general pour la nauigatiō. N'est ce  
 pas vne honte qu'en trois cents lieues de  
 coste, il ne se trouuera pas vingt vaisseaux  
 François, & neātmoins s'il vous plaist d'y  
 mettre la main, nous serōs en peu de tēps  
 maistres de la mer, & ferons la loy à ces  
 insulaires qui vsurpēt ce tilre. Nous auōs  
 sans comparaison plus de hautes qu'eux,  
 plus de bois & meilleur qu'eux pour ba-  
 stir des Nauires, plus de matelots, tes-  
 moin qu'ils ne se seruēt en leurs voyages  
 que de nos Biscains, ou de nos Brerōs ou  
 Normās: Les toilles, les cordes, lescidres,  
 les vins, les chairs sallées, equipages ne-  
 cessaires se prennent sur nos terres. Il ne  
 reste plus que dōner la forme à ce dessein  
 la matiere n'est que trop ample: En voicy  
 vn proieēt, seruez vous en si vous n'en  
 trouuez point de meilleur, il ne m'impor-  
 te pas pourueu que la chose se face, & que



le public y profite: Que le Roy par Edict ordōne qu'en chaque ville capitale de ses Prouinces, les marchāds feront vne compagnie pour la nauigation sur le modelle d'Amsterdā, & equiperont certain nōbre de vaisseaux dās les ports les plus proches & les plus commodes: & pour les inciter dauātage qu'ō leur accorde de grāds priuileges, cōme enti'autres qu'ō rabatte le dixième des impositions aux nauires François qui entrerōt & sortiront sans fraude de nos ports: & qu'il soit deffēdu à peine de confiscation de corps & de biēs à nos Mariniers d'aller seruir les estrangers. En peu de tēps vous ferez vne flotte innōbra ble & couurirez la mer deuoilles: & si vo<sup>9</sup> employerez quantité de ieune Noblesse qui demeure inutile & qui s'abastardit.

Le sel & les Aydes sont encores deux rudes charges, la premiere bien plus grāde que la secōde: parce qu'il est bien plus aisē de se passer d'aller à la rauerne que de manger du sel, aliment necessaire, neantmoins ie ne crois pas que vous en deuiez pour cette heure demāder l'extinctiō ou

la diminution: Il suffira que le Roy relasche les Tailles, fardeau presque insupportable, iusques à ce qu'ayât racheté tout s<sup>on</sup> Domaine, Dieu luy ouurira les moyens pour rēdre la liberté à la Frāce. De to<sup>us</sup> les mesnages du tēps passé ie n'ē ay approuué qu'un seul: Cet or amōcelé dans la Bastille ne m'a iamais esté de bō augure. Le vray tresor d'un bon Roy est dās le cœur & dans la bourse de ses subiets: l'ay condāné cette cōuerſiō des octrois extraordinaires & à temps, en recepte ordinaire: outre q̄ c'estoit prostituer la foy du Prince qui doit estre inuiolable. C'estoit oster le moyen de seruir l'Estat à vne extremité: Le seul mesnage donc que i'ay estimé estoit le rachat du Domaine en seize années de jouïſſāce, & neātmoins c'est ce luy seul qu'ō a réuersé, Dieu le pardōne à ceux qui en sōt coupables. Remettez dōc s'il est possible sur pied ces partis, & qu'ils ſoiēt executez sans exceptiō de persōne du mōde. Le Domaine du Roy s'appelle *sacré*, parce que veritablemēt on ne peut y mettre la main sās sacrilege. En general

reiettez avec hôte ceux qui vous proposeront des expediens pour augmenter la recepte des finances, le peuple n'est que trop chargé, & au contraire recueillez à bras ouuers les aduis qui vont à diminuer la despēse, soit par retrāchemēt legitime, soit par bon mesnage: c'est ce seul moyen qui reste pour soulager le Royaume.

Messieurs, voicy le dernier de nos maux & plus agité en cette saison, la mangerie des Officiers: Nous auons desia parlé de ceux de finance, reste à parler de ceux de Iustice, ce mal a plusieurs racines, il les faut tousiours suiure exactement. Il y a la dispēse de quarāte iours qui rend les Officiers comme hereditaires, l'auentalité qui les met en cōmerce, & le gaing ordinaire est tolléré qui les encherit. Il seroit à desirer qu'on peust guerir ces trois maladies tout d'un coup, mais il est bien mal-aisé, tant de gens & si puissans dans l'Estat y sont interessez, que ie craindrois que le remede ne fust pire que le mal. Il faut donc y aller pied à pied & insensiblement. La valeur excessiue des Offices est le fondement

dement de ce desordre. Il y en a pour cēt millions d'or & plus en France, le seul moyen qu'on a de le sapper, c'est d'oster aux Iuges les espices & toutes sortes d'émolumens: d'une pierre vous frapperez deux coups, vous les ferez ramender & soulagerez grandement le peuple, qui n'a pas tāt d'intérêt à la venalité ou à la poullette, cōme à l'oppressiō qu'il sent à cause des exactiōs des ministres de Justice. Outre que cet expedient sera utile au public auātageux & honorable, pour le Roi, il sera tresbiē receu de la robbe lōgue: En ce mestier là tout le mōde fait profession d'honneur, au moins en apparece, tellement que les plus cupides & les plus auares d'entr'eux loueront les premiers cette reformation, au lieu que si vous touchez à la poullette ou à la venalité, les plus gens de bien se plaindrōt parce que veritablement ils seront ruinez. Par ce moyen nous n'aurons plus de procez en France dans dix ans. les Iuges en font beaucoup plus que les parties: la Iurisdiction des marchē est sans cōtredit la plus courte



& la plus equitable, parce qu'elle n'a poit  
d'emolumens. Monsieur le Châcelier de  
l'Hospital en cette seuerre remonstrance  
qu'il fist au Parlement de Rouen à la ma-  
jorité du Roy Charles IX. leur reprochât  
qu'anciennemēt ce n'estoit qu'un Eschi-  
quier qui ne travailloit q̄ six semaines, &  
qu'à l'heure il voyoit cent Iuges trop oc-  
cupez, & recherchât curieusement la cause  
de ce chancre enuenimé, qui croissoit à  
veüe d'œil, n'e trouue point d'autre, si ce  
n'est que chacun veut viure de son me-  
stier, & iceluy faire valloir. Sur tout  
Messieurs prenez garde de ne mescontē-  
ter pas tous les Officiers, si à mesme tēps  
vous ne vous resoluez à soulager grāde-  
mēt le peuple, & à leur gagner le cœur.  
Héry III. en fut mauvais marchand, il osta  
la venalité & empeschales resignations  
en quatre vingts deux, trois, quatre, cinq,  
six & sept, Et en quatre vingts huit tou-  
tes les villes de Frâce se reuolterēt cōtre  
luy: Je sçay biē qu'il y auoit d'autres cau-  
ses malignes concurrētes à cette seditiō:  
mais croyez moy, celle là ne poussa pas



peu à la rouë. Naturellement les peuples  
 aiment le châgement, & s'y portent, s'ils  
 ne sont retenus par la crainte des puni-  
 tiōs. De façon que lors que les Magistrats  
 ou les incitent, ou font semblât de ne les  
 voir pas, tout se precipite à la confusion.  
 Sans doute que la Paulette est vn grand  
 mal, mais elle a produit pour le moins ce  
 bien durant nos derniers mouuemēs, que  
 pas vn Officier ne s'est dēmenty de son  
 deuoir : La raison de cela est que le prix  
 excessif de leurs Offices les interesse tous  
 à la conseruation de la paix, & à la manu-  
 tētion du seruice du Roy. Et qu'on en dise  
 ce qu'on voudra, les hommes n'ont point  
 de plus forte chaîne que leur interest, ny  
 de passion qui les emporte plus violente-  
 ment. Toutesfois Messieurs, si vous vous  
 voyez l'esprit du Roy porté à reformer  
 tout son Royaume & à soulager son peu-  
 ple, donnez hardiment conseil de guerir  
 toutes ces trois maladies ensemble. Avec  
 ces precautions il n'y aura rien à craindre,  
 Dieu se meslera de la partie, & favorisera  
 indubitablement vne si saincte resolutiō

pour que l'ordonnance soit suivie,  
pour les suppressions & nominations des  
Offices singuliers. Sur la demande des  
Estats generaux derniers la Paulette fut  
ostée, qu'é arriva-il? les premiers Offices  
qui vacquerēt furent dōnez à des vallets  
de chambre & à des cheuaux legers: il y  
en eut parmy eux qui furent assez insolēs  
pour enſōccer les portes d'un officier ma-  
lade, afin de voir s'il estoit encores expi-  
ré: cet outrage excita de si grandes cla-  
meurs que le Roy fut contraint de con-  
tinuer ce droict pour trois ans.

Si vous aimez l'Estat faictes qu'on n'oste  
pas la dispēse des quarāte iours, si on n'o-  
ste en mesme tēps la venalité: autrement  
vous verrez tout à coup les Parlemēs dé-  
nuiez de ces vieux arc-boutās qui les sou-  
stiennent, lesquels se deferont de leurs  
charges trois mois apres. Et outre la plus  
part de ceux qui voudront courre la for-  
tune feront sans doute leur compte, &  
tascheront dans le temps de la ieunesse  
& de la force à se recompenser du prix de  
leurs offices, & le public en patira.

Voicy encor vn expedient pour diminuer le prix des offices, & donner beaucoup de lustre aux cōpagnies souveraines de Frâce: Affectez incommutablement à la Noblesse le tiers de toutes les charges de Iudicature, & obligez necessairement ceux qui y voudront entrer à faire vne preuue tres-exacte de quatre races, sans que personne en puisse estre dispense. Vous rendrez par ce moyen à cet ordre partie de ce que sa negligence & la corruption du siecle luy ont osté.

Donnez aduis au Roy qu'il face des Grands iours, qui seruent non seulement contre la Noblesse, mais encores contre les officiers de Iustice, que sans mentir, exercent des tyrannies insupportables. Et afin que ceux de la Religion pretēduē reformée n'ayent pas suiet de se plaindre & d'opposer l'Edict de Nantes, qui establit des Iuges pour eux, mettez en deux des leurs dans cette Chābre, comme au Parlement de Paris, au pis aller cela ne doit point empescher vn remede si absoluēt necessaire & desiré de tout le mō-

de avec tāt de passiō, parce qu'il faudroit que ceux qui voudront auoir leur renuoy se remettēt en estat. autrement on procedera contr'eux suiuant les ordonnances.

Outre ces remedes il y en a encores d'autres qui peuuēt grādement seruir à la reformation de la Iustice: Puis qu'il n'est pas possible de rendre ambulatories tous les Parlemens de France, à cause de la despense: Imposez pour le moins cette loy à tous les premierz Presidēs & à tous les Procureurs generaux. C'est le moyen de faire obseruer religieusement les ordonnances dans les compagnies, d'y remettre la discipline, au lieu qu'à cette heure le plus hardy d'entr'eux n'oseroit auoir fait vne remonstāce au dernier des Conseillers, parce qu'ils veulent tous s'autoriser & establir leur credit. Ostez leur cet interest vous verrez que chacun d'eux fera à qui mieux mieux dedans son departement, & n'ayant qu'vn an à estre en vn lieu, chocquera indifferemment tous ceux qui ne feront pas bien. Que cette mesme loy soit obseruée pour tous



les Lieutenans généraux & Substituts és  
Siegés subalternes, sans sortir neant-  
moins de l'enclos de leurs Parlemens.

SIRE, Il ne suffit pas pour répondre aux  
belles esperances que ce genereux commence-  
ment nous a fait concevoir de vostre Maïesté,  
pour rendre l'ouvrage parfait & meriter ce  
sainct & auguste tiltre de Iuste. Il faut que vo-  
chassiez de vostre Estat ce demõ de procez & de  
chicanerie: ce vautour affamé qui ronge les en-  
traïlles de vos subiers. Comme nous vous de-  
vons absolument & sans condition toute sorte  
de fidelité & d'obeissance, vous nous devez aussi  
la Iustice: C'est vne relation necessaire que  
Dieu a mise entre les Princes & leurs subiers,  
dont il s'est rendu luy-mesme non seulement  
iuge & arbitre, mais aussi garent et vengeur.  
Ce seroit tromper vostre Maïesté que de luy  
celer que les Roys sont responsables deuant  
Dieu de ce qui s'est fait et de ce qui se fait en  
leur presence par leur Conseil, et en leur ab-  
sence par leurs Officiers. Voila pourquoy ce  
Roy Prophete demandoit pardon des pechez  
mesmes qu'il n'auoit pas commis, iugeant qu'il  
deuoit rendre compte de ce que ses ministres  
auoient forfait sous son autorité et  
sans son sceu.

Vndes plus puissans Empereurs du monde  
disoit qu'il estoit par dessus les loix: mais neât-

moins qu'il estoit obligé plus que tous les autres de viure selon les loix, parce que chacune de ses actions estoit tirée à consequence & à exemple. Ces gardes qui veillent nuit & iour autour du Louure ne seruēt qu'au fait & à l'apparat, l'amour des peuples est ce qui garde la personne des Rois, & celuy-là, quoy qu'on vouldie, SIRE, ne se peut acquerir qu'en les aimant reciproquement: traitez les comme vos enfans, & indubitablement ils vous honoreront cōme leur pere, & sur tout souuenez-vous que vous n'estes pas Roy seulement des Courtisans, mais de quarante millions d'ames que Dieu a mises sous vostre charge. Vous auez mille moyens de leur bien faire, & soulager vostre peuple quant & quant. La verité ne frappe iamais à la porte du cabinet des Rois: ceux qui y font la presse n'y viennent pas pour donner de bons conseils ny de salutaires aduis. Chacun entrant dans le Louure fait reflexion sur son interest, & compose ses actions & ses paroles à la complaisance & à la flatterie. L'Histoire compte pour miracle la responce de Poton & la Hire au Roy Charles VII. Si doncques SIRE, ce discours est plus libre que celuy des courtisans ordinaires, ne condamnez pas pourtant la fidelité ou l'affection de son auteur: Leur dessein n'est autre que de faire leurs affaires: le mien de vous seruir, au peril mesme de ruiner ma fortune.



